

ادبیات عمر و سیرت عربی

هفته‌لق سیاسی ، ادبی و علمی غزته در .

جلد : ۱

سنه : ۱ ۳ ربیع الاخر ۱۳۳۵ جمعه ایرتسی ۱۴ کانون ثانی ۱۳۳۲ نومرو ۱۳

تاریخده رومانی

افلاق . — طونه‌نك شمانده، قدیم (داجیا) Dacia خطه‌سنده تقریباً عینی عرندن وعین
 لسانی تکلم ایدر قبائل موجود اولوب بونلر شو بش ایالتی کندیلرینه وطن اتخاذا ایتشلردر: ۱- افلاق
 (والاکیا) ؛ ۲- بغدادن ویا مولداوا (مولداویا) ؛ ۳- اردل (ترانیلوانیا) ؛ ۴- بوقووینا ؛
 ۵- بسارابیا (بوجاق) . برلین معاهده‌سندن صکره (دوبریجه) رومانیایه التحاق ایتدیکندن
 (رومن) قومی اورایه‌ده کیرمشدر . بو آلتی قطعه‌دن ماعدا رومونلر بالقان شبه جزیره‌نك هان
 هریرنده ، لکن کوچك بر اقلیت اولق اوزره ، بولنورلر . شرقده ، صربلردن ، یونانلیردن ،
 بولغارلردن دها غلبه‌لک اولان (رومون) ملتی بش یچق شمیدیکی رومانیاده ، ایکیسی روسیه‌یه
 عائد بسارابیاده ، اوچی مجارستانه عائد اردلده ، برربع ملیونی بوقوویناده اولق اوزره تقریباً اون
 بر ملیون فرددن عبارتدر . روم ایلیده ساکن رومون = قوچوولاح = چینچار اهاالینك عددینی
 اللهندن بشقه بیلن یوقدره . بو خلق دین و تربیه اعتباریله بیزانتین اولوب رومون ، رومندن ده روم دیمکدر . هر
 قطعه‌نك تاریخی آیریدر . یالکز افلاق ایله بغدادنك مقدراتی ۱۸۶۰ دن اعتباراً برلشیر . بوملت من القدیم
 آزیلش بر حالده محافظه جنسیت ایده بیلمشدر . افلاق ، [والاکیا] کله‌سندن کلیر . اولاجه
 Zara Roumaneska [روما مملکتی] دیمک ایمش . افلاق قدیم داجیانك قسم جنوبی‌سنده .
 کائندر . بواسکی قطعه شمیدیکی رومانیادن ماعدا عصر حاضرده کی مجارستانك تقریباً نصفی احتوا ایدردی .
 ایمپراطور (آوگوستوس) عهدنده ایلاک دفعه اولق اوزره روما لشکری داجلره قارشی
 کلدی . او حوالیده مغلوب اولان رومالیلر ایکنجی قرن میلادینك ایلاک سنه‌لرینه قدر اهاالی
 محلیه‌یه فدییه ویریرلردی . ایمپراطور (ترایان) بو مکلفیتدن قورتولق ایسته‌دی . اورالرده تهیات
 مهمه‌ده بولوندی . اردولر غالب کله‌رک مملکتی یغما ایتدیلر . الکا خالی قالدیغندن روما له ژئونلری
 اوراده یرلشدی . بواردولرک اک سفلی ورذیل مخلوقاتدن انتخاب ایدلیدیکی تاریخ شناسانجه مرویدر .
 یدنجی عصرده روسیه‌دن کان بولغار واسلاولر اوراده راست کلدکاری رومالی زراعه (ولاح)
 Vlah نامنی ویردکاری روایت اولنیور . (بونك عکسی ده ادعا اولونمشدر) . ۲۷۴ سنه‌سنه
 قدر روما ولاتی افلاقیده حکومت ایتشلردر . (غوط) ، (هون) ، (گه‌پید) ، (لومبارد) ،
 (آوار) اقوامی بو مملکتی لایقیله یغما وتاراج ایله محو ایده‌جک درجه‌یه کتیرمشلردر .
 بونلردن قاجان اولاحلر (کوچك افلاق) دنیان طونه ایله (آلوته) Aluta آرده‌سنده کی

تحمید

معزز اولسون او قدرت که خاک هجرانی
منکشلرله و کلرله جابجا سوسلر ؛
مکرم اولسون او فطرت که افق خسرانی
درین و پنبه سحرلرله آشنا ایلر .

مبارک اولسون او صانع که لیل حرمانه
ستاره لرله تسلی و زینت آوردر ؛
مقدس اولسون او مبدع که قلب انسانه
فیوض عشق ایله بر فسحت سما کتیریر .

ثنای نامتناهی و شکر بی پایان
اوسرمدی، ازلی خالق محاسنه که
جهانده شاه - اثر صنع کبریاسی اولان

کوزللك بو تماشیل بی عداد ایله
آچوب بر افق بهشتی خیال و آماله
اونوتدیرر بزه منفای خاک غمنا کی !

فائز عالی

سفارتنامه آمدی غالب افندی


سببندن حرکت اولندی کون اون ایکی ساعت مسافه ده واقع و بر طرفنده حدود و جواری خراب بر مقدار قلعه
بیابانی موجود شیش قصبه سنه عزیمت و ایرتسی یعنی شهر ذی الحجه نك یکر می طقوزنجی کونی طقوز ساعت
اوراستیا نام نایشلی قصبه ده بیتوت اولنوب فردای سنه جدید متیمنه یعنی بیک ایکی یوزاون ایکی سال
فرح اشمالک ابتداسی مبارک ائذین کونی اولغله بعون اه تعالی کمال سرور و صفا ایله تفال اولنهرق یوم
مرقومده دخی تجدید طریق و اون سکز ساعت دو بره و اون ایکی ساعت فاجت و اون سکز ساعت ریقانام
محللرده برر کیجه آرامدن صکره اسلیکه نام محله عازم ایکن ریقایه درت ساعت مسافه ده اولان طمشوار قلعه سی
واروشنده بملک ایله تماشاسنده تدقیق اولمشدر. محال مرقومه بعضاً قصبه و بعضاً قصبه یاننده کیر قریه اولوب
اوراستیادن دو بره یه قدر درونندن مرور اولنان هر بر قریه نك جارچنده یار مشر ساعتک و بعضاً دخی زیاده
محله قدر ایکی عربیه به مستوفی و جانبینی حزارع و ترلا طریقک ایکی کناری بر برینه ملاصق موزون درختان
و بعضاً جمله سی نشو و نماده یکسان اولق ایچون مقطوع الاغصان و بعضاً هنوز مغروس نهالان و موسم
فریاد عندلیبان اولدیغندن اثنای راهده بعض محله آنلر دخی نغمه زنان اولدینی حالد کذران

اولندیغندن ماعدا ذکر اولنان دوبره دن درت ساعت مقداری مارالیان ترانیلوانیا ایالتی حدودینه قدر و کرک حدود مرقومه دن ایلرو بنات تعبیر اولنور طمشوار ایالتنده طاقم طاقم طریق یرلری اولوب ابنای سبیلہ تسلطہ اجتسار ایدہ کلدیکی انہا اولنقی جہتیلہ دوبره ده اولان قوماندا ندن تأمین خواه اولدیغمزده اوحوالیدہ نفرات عسکرہ موجود اولوب ابنای سبیلہ محافظہ ایچون دیلیدیکی مقدار نفرات تعیینی دولتی طرفندن محال مقتضیه تئیه اولنمش ایدوکنی انبا و طرفزه کفایت مقداری قطانہ تعیین واسرا ایتکلہ بونلر اوچر دردر ساعتک محله تبدیل اولندیغندن حین تبدیلده هربرینه بخشیش و یریلہ رک و دوبره دن فاجت و فاجتدن طقوز ساعت مسافده واقع اولوب یمک اولنان لغوش قصبہ سنه قدر مخوف اولان طریقده قطانہ لر آله رق لغوشدن ایلروده شوسہ اولمدینی خبر و یرلدی و آندن اوتده هر محله نفرات عسکرہ اولماقی حسیله لغوشدن بلا نفرات عزیمت اولنمغین بو مقوله شقاوتکارانندن هر زمان اولحوالی خالی اولمدینی فقط اول اطرافده محال متعدده موجود اولان داره آجایی وقازق مثللو ادوات تأدیبدن نمایان اولقدن ناشی حمداہ المک المنان حفظ حضرت سبحان ایلہ او محللردن و طرق ساثرہ ن مصحوباً بالسلام مرور اولندیغنه شکر یزدان قلنمشدر، قالدی که مارالیان شیتش و لغوش مقدما سفر هنکامنده و هادیہ طرفندن کوریلان محللر اولیوب انلر بشقه اولدینی و هادیہ جانبنده اولان محله رشیش دنیلیدیکی تصحیح اولنمش اولوب سالف الد کر اور استیادن طقوز ساعت ایلروده کائن دوانام قصبہ نک کنارنده بر جبل صغیر زروه سنده قرق الی کیمسه تحصنہ اعمال مدافع ایدہ بیلور. اطراف قصبہ یه طوب و تفنک ایشلر متعسر العروج بر قلعه قلیل البروجی موجود اولدیغندن غیری بالاده بیان اولدینی وجهله طمشوار قلعه سی واروشنده یمکک ایچون بر لوستاریه یه دخولزده واروش اوفیچیالی کلوب بعض بر نسنه وارایسه کندویه انبا اولنمشی لدی الانہا قلعه نک تماشاسنه خواهش ایما اولندقدن صکرہ طمشوار جنرالی حین حرکتزده قدر یمکک اوزره اکراماً اون الی نهر سلمات و معیتده اولوب مقدما آستانده اکلمش اولان لسان ترکیه آشنا ایکنجی جنرالده سؤال خاطر ایچون بعض اوفیچیلر ایلہ طرفزه اسرا ایتش اولدیغنه بناء او دخی بعض عرض صفوت سؤال مذکورہ مبادرت ایلہ بعدالعودہ کندو هنتولرینی کوندرمک حسیله اوراده هنتوہ سوار اولوب قلعه مرقومه کشت و کذار اولنمغله اطرافی تخمیناً یارم ساعتده طولاشیلور دروننده ابنیه سی منتظم دوت بش قات خندک و طابیلہ لر ایلہ ترصین اولنمش مستحکم و متین بر حصن حصین اولدینی مشهود اولشدر و قلعه مزبورہ تماشاسیلہ مارالیان لوستاریه یه عودت اولنوب کندو هنتوہ مزہ رکوب ایلہ حرکت اوزره ایکن جنرال مرسوم دخی عیالیلہ اول محله ورود و پوتقه سندن اینوب موالاته دائر بسط کلمات نامعدود اولشدر. سالف الیان اسکیلہ دن قالدیغمز کون دخی قریه پیشکاهنده بر چاریک مقداری محله قدر جسر مانند ایکی طرفی اشجار ایلہ محاط طریقندن ماماروش نام کبرجه نهر اولدیغندن جسر دن اران قصبہ سنه گذران برله طون قوملوش نام قریه ده بر کیجه قالوب عزیمته شتابان اولدیغمزده الی ساعت مسافده سحش نام قصبہ جکدن یارم ساعت ایلروده واقع تیسہ نهرینک کنارنده ایکی عربیه مستوفی و بر جانبی دخی کول و اغاجلق اوله رق خوشما بر طریقندن بر چاریک مقداری مسافه مرور و طریق مزبورک رأسنده یساره انحرافی محلنده موجود اولان میری پور قایغنه اولت نهرنده اولدینی مثللو یه هنتودن چقلمیه رق و بار کیرلری موجود اوله رق بهر دالغه سنده تماشاجی هجومی اوچر عربیه و حالیلہ نهر مذکور قارشوسنه غبور اولنمغله اولطرفده مانور اوفیچیلر پساپورط

طلب ایله یکنیدن بالاده مبین اولدینی اوزره استانه ده انمش و قرانته ده قوماندان طرفندن امضا اولنش اولان پساپورت بعدالابراز جانبینی و بعضاً طرف واحدی ایکیش قات یکسیاق اشجار مانند الساق ایله فراخ فزا بر راه خوشنادن ماه نوضیا فی الجملة پرتورسا اولدینی ائشاده کذار ونهر مزبور بر بچق ساعت مسافه ده جونغراد قریه سنده و ایرتسی کیجه کورش نام قریه ده قرار اولنغله سبیدن کورسه قدر بیتوت اولنان محلك جمله سنده و بعضاً بمكك ایچون بر مقدار توقف اولنان لوستاریه دن دخی اورا محلك ضابطانی اولان قوماندان و قیودان و بعض رعبان مخصوص کلوب کوروشدیکمزدن صکره کور شهرینه عزیمت و اولمیانده شهر محرمک سکزنجی کونی سبین مثللو ینه عربیه و بارکیر استیجار ایچون بالایجاب ایکی کون اقامت اولنغله شهر مزبور سینه نظراً ایکی قات ونهر طونه کنارنده واقع ابنیه سی منتظم بر محل بی سود اولوب طونه نك جانب دیگرنده پشته قارشوسنده کاش بینلرنده بوده دنیلور بودیم قلعه سنه نهر مذ کوردن طومبازلر اوزرینه انشا ایدلش ایکی عربیه وافی و طرفینی عربیه یولندن ستونلرایله مفرز ایکیشر پیاده یه کافی جسردن سرور اولنور و قلعه مرقومه دخی حدود و دیواری فی الجملة متین صغیر بر محل رصین اولوب قلعه نك درون و بیروننده اولان ابنیه یعنی شهرینك وسعتی پشته ایله مساویده دخی بودیم سمت کوهده واقع اولق جهتیله طولی اولنغله اوچ چاریکده بر طرفندن طرف اخرینه وارلدی و منجه ایمراطوری فرانچسقوی ثالث کیر و صغیر یدی نفر برادرندن بادی پتن نام قرانداشك کیری بودیم جانبك مدیری اولوب قلعه حدودنده کاش سرایی تماشا کران و کندوسی بورغه نام محله ده بالجملة محارستان متعینایله بر مصلحت مذاکرات ایچون عازم مجلس سوار اولدینی انبا اولنمقدن ناشی سرای مذ کوری کورمه خواهشمزی مومی الیهك بودیمده توکیل ایله یکی جنرال لدی الاستماع بزی کزدورمک ایچون بر آدمیسنی تعیین ایتمکه سرای مزبور موقعی مرتفع و طونه یه ناظر واقعاً مطبوع رسم بر بنا اولوب مومی الیه بادی پتن سابق روسیه ایمراطوری یاولوس اول بوندن اقدام هالکيه قزینك زوجی اولق ملاسه سیله سرای مزبورک اوطه لرینك هر برینك جدران ونشیمن و صندالیه لری اوزری ایشلنمش اطلس مائیدن یکرنك ترتیب و بعض اوطه نك بر طرفنه یکپاره کیر آینه لره بر قطعه سی قداً التي وعرضاً ایکی ذراعیه قریب تخمین اولنمشدر دیوار ایچنه وضع ایله اطرافى تذهیب و پیشگاه مرایایه افرنجك یازو تخته سی مثللو جامدن مصنوع ولاجوردی رنك غایت صاف تخته یشیل سنك اوزرینه روسیه کاری صاقسونیه دن اعلامنقش ماصه لر نهاده و بعض اوطه لری دیوارلرینه دخی قلمکاری اولیه رق ایجه قالیچه اوزرینه مخصوص روسیه ده ایشلنمش ولس اولدقچه قلمکاری اولدینی بالو اولیه جق وجهله صورت ویرلش و عضو و جسمی عینی کوسترلش تصاویر غریبه تعلیق و بر ایکی اوطه سنه اوزری جامو چکمه لر ایچنه فرنکستانده غایت معتبر و قدر و قیمتی اوفر معادن متنوعه و اجارمنقشه خلقیته پارچه لری و حتی بر عدد صدف ایچنده ترك اولنش خرده الماس نا تراشیده وضعی و حلوارى صوبه لردن ناشی زیب و افریله ایفای لازمه ماجری العاده اولنش اولدینی و بر اوطه ده هالکيه مومی الیهانك محفظه لر دروننده موجود چند عدد مجوهرات یعنی وسطی فویه سز کیرجه یا قوتلی و اطرافى خرده الماس و لوزوار ایله مزین بر قطعه و دیگر چند قطعه ارایش سر و فرنکستانده معتبر اولان انجو کردانیه مثللو مجوهراتی کورلش و مارال بیان اشیانك جمله سی ایمراطور مومی الیه طرفندن جهاز اوله رق تنظیم اولنش ایدوکی افاده معرف ایله بیلنمشدر و پشته یه وصولنك فردای پشته قوماندان جنرالی مادامه تعبیر اولنور عیالی ایله اولدیغمز محله کلوب جریان ایدن مجاملات موالادن ممنون اولدق لردن بودیم و پشته شهرلری کنارلرنده ابواب واسواقی اشجار و اکثر

حلی درختان ملفوف الاغصانند کون کورمن محله سی کی دائم سایه دار اولان مسافه سی کثیر المقدار ایکی باغچه وخصوصاً قومادیه تعبیر اولنور .

- دوام ایده جکدر -



[۵ — ۱۱ کانون ثانی ۱۳۳۲]

عموم جبهه لرده کی سکون بردوام . مختلف جبهه لرده مخاصم کتله لر یکدیگرینک حرکاتی ترصد ایله اکتفا ایدیورلر . جبهه آرقلرلرده ایسه خارق العاده بر فعالیتله استحضارات اجرا ایدلمکده اولدیغنه شبهه یوق . کرب اتفاق صریح و کرب اختلاف ارکان حربیه لر ، آرتق صوک اوله جنی حس ایدیلن ایله بهار محارباتنده امان و برمن برضربه ایندیرمک ایچون کمال جدیتله چالیشیورلر . کیم دها اول داوراناجق ؟ ایسته بوکونک مسئله سی بودر . هانکی طرف استحضاراتی دها اول کمال ایله ، اومولاز بریردن برضربه ایندیره بیلیرسه او طرف تقدیمی ونهائی غلبه یولنی قازانمش اوله جق . فقط مستریخ اوله بیلیرز . اتفاق صریح ارکان حربیه سی « تشبث ابتدائی » بی هیچ بر زمان دشمن انه براقادی . او خصمک جان آلاجق نقطه سنی کشفده غایت ماهردر . ظنمزجه ، ایکی طرف ایرکن حرکت ایچون اوقدر غیرت کوستره جکلردرکه ، دها بهار کله دن حتی بلکه مارتدن اول حربک بو مزاقلی ونهائیت درجه ده خونین صوک صحنه سی باشلایه جکدر .

بو هفته غرب جبهه حرینده ، اوچ درت هفته در کورولدیکی اوزره ، ینه اهمیتسز موضعی مصادمه لردن باشقه شی اولمادی .

ایتالیان جبهه سنده ، (قارست) یایلاسنده کی طوطچی فعالیتی استثنا ایدیلیرسه ، معند برسکون بردوامدر . ایتالیانلر هیچ بر تشبثده بولونمایورلر . بالعکس آوستریالیلر آراصیرا کشف حرکاتی قیلندن تشبثله کیریشیورلر .

ما کدونیا جبهه سنده استروما ، سیروز ، چرنه ، کوللر طرفلرنده معتاد اولان متفرق و جزئی فعالیت حربیه دن باشقه برشی یوقدر .

روس جبهه سنده ینه موضعی تشبث کورولیور . غالباً روسلر ، ریغادن طونه آغزلربنه قدر امتداد ایدهن جبهه لرینک برطرفندن آلمانلرک یکی بر تعرضی قورقوسیه یحضور اولدقلرندن صیق صیق کشف تعرضلرده بولونیورلره فقط کشف بر جلیک پرده کی اوکلرینی قاپاتان آلمان جبهه سی آرقله سنده هینده نبورغک نه لر حاضر لامقده اولدیغنی ظن ایتیمیزکه کشفه موفق اولسونلر .

رومانیا جبهه سی ، فعالیت حربیه نک همان تماماً دورمش دنیله بیله جک بر حالده اولماسنه رغماً ، برنجی درجه ده کی اهمیتنی الاکن محافظه ایدیور . کچن هفته ابرائیلک شمالنده و طونه نک جنوبنده کاش (واده نی) و (میخاله آ) موقعلرینک تورکلرک طونه قطعاتی طرفندن ضبطندن صوکره ، (سهرت) نه ری جنوبنده یالکز (نانه شتی) سر کوپری موقعنک آلمانلر طرفندن ضبطندن